




ხაშურის მთაშბე



№26

30 ნოემბერი, ორშაბათი, 2015 წელი

2016 წლის ივლისიდან პენსიები 180 ლარამდე გაიზრდება

2016 წლის 1 ივლისიდან პენსიები 180 ლარი გახდება, - ამის შესახებ მთავრობის სხდომაზე საქართველოს პრემიერ-მინისტრმა, ირაკლი ღარიბაშვილმა განაცხადა. მისივე თქმით, მთავრობამ თავიდანვე განაცხადა, რომ ბიუჯეტი იქნებოდა სოციალურად ორიენტირებული და მომავლი წლის ბიუჯეტიც ასეთი იქნება. როგორც ღარიბაშვილმა აღნიშნა, ეს სახსრები განკუთვნილი იქნება პენსიებისა და პედაგოგების საბაზო ხელფასებისთვის, ასევე მაღალმთიანი რეგიონების განვითარებაზე და სხვა. როგორც პრემიერმა აღნიშნა, "გუნდმა გადაწყვეტა, რომ 2016 წლის 1 ივლისიდან პენსიები გახდეს 180 ლარი". "2012 წლიდან ჩვენ პენსიები გავზარდეთ დაახლოებით 64%-ით. ეს არის 600 მილიონ ლარამდე, თუ შევადარებთ 2012 წლის ბიუჯეტს ამ მიმართულებით", - განაცხადა ღარიბაშვილმა. როგორც პრემიერ-მინისტრმა აღნიშნა, ძალიან მნიშვნელოვანია, დაინერგოს პენსიის დაგროვებითი სისტემა და ეტაპობრივად გადავიდეთ



საბავშვო ბაღებს ერთიანი მმართველობა ექნება

საქართველოს თითქმის ყველა მუნიციპალიტეტში შეიქმნა ა(ა)ი.პ.ი სკოლამდელი აღზრდის საბავშვო ბაღების გაერთიანება, რომელსაც ხაშურის მუნიციპალიტეტიც შეუერთდა. ეს სამსახური დეკემბრის თვიდან დაიწყებს მუშაობას. ამ სექტორში დასაქმებულ ადამიანებს სამუშაო ადგილების დაკარგვის შიში ჰქონდათ, რადგან ახალი სამსახურის შექმნა, გარკვეულწილად, ძველის რეკვესტირებას ნიშნავს. შექმნის აუცილებლობაზე ფუნქციებზე, მუშაობის ფორმებზე ხაშურის სკოლამდელი აღზრდის საბავშვო ბაღების გაერთიანების დირექტორი **ლავით ნოზაძე** გვესაუბრა:

- ა(ა)ი.პ.ი ხაშურის სკოლამდელი აღზრდის საბავშვო ბაღების გაერთიანება წარმოადგენს სამსახურს, რომელიც ვალდებული ვართ იღებთ. განახორციელოს ყველა ის საქმიანობა, რომელიც აქამდე საბავშვო ბაღებს ეკისრებოდა, იქნებოდა ეს შესყიდვები, საქმის წარმოება, კადრების დანიშვნა, ბუღალტერია თუ სხვა ტიპის საქმიანობები. თუ მანამდე თითოეულ ბაღს ჰქონდა ვალდებულება ყველა საქმე თვითონ ეწარმოებინა, გაერთიანების შემდეგ, საბავშვო ბაღებს შესაძლებლობა ექნებათ მთელი ყურადღება ბავშვების აღზრდას დაუთმონ. დღეისათვის ხაშურის მუნიციპალიტეტში 1000-მდე ბავშვია, რომლებიც სარგებლობენ საბავშვო ბაღებით, მათი უზრუნველყოფა ადგილობრივი ბიუჯეტიდან ფინანსდება. ბავშვზე ყოველდღიურად დაახლოებით 1,70 თეთრია გამოყოფილი, რაც წლიურად დაახლოებით 1 500 000 ლარს შეადგენს. ამაში შედის ბაღების ინვენტარიზაცია და სხვა ტიპის მოხმარების საგნები. არის მშენებარე ბაღები, რომლის შენება-რეაბილიტაცია უახლოეს ხანებში დასრულდება. სწორედ, ამგვარი საჭიროების შედეგად შეიქმნა ჩვენი სამსახური, რომელსაც ანალოგები უკვე აქვს საქართველოს თითქმის ყველა მუნიციპალიტეტში და როგორც ჩემთვისაა ცნობილი, წარმატებით საქმიანობენ. რაც შეეხება საკადრო შემცირებებს, ამ ეტაპზე, ყველა თანამშრომელი შეინარჩუნებს თავის სამსახურს, მხოლოდ ბუღალტრები გააგრძელებენ მუშაობას სახეშეშეცვლილი ფორმით. ჩვენი სამსახური ამ ეტაპზე 10 თანამშრომლისგან შედგება, დირექტორის, მთავარი ბუღალტრის, 4 ბუღალტრის და ორი სპეციალისტისგან, დეკემბრის თვიდან ოფიციალურ საქმიანობას შეუდგებიან, - განაცხადა ჩვენთან საუბარში ბატონმა დავითმა.



მუნიციპალიტეტის საკრებულოს სესია

26 ნოემბერს, ადმინისტრაციული სახლის სხდომათა დარბაზში, გაიმართა ხაშურის მუნიციპალიტეტის საკრებულოს რიგგარეშე სესია. სესიაზე, რომელსაც უძღვებოდა საკრებულოს თავმჯდომარე ვაჟა შუბითიძე, საკრებულოს წევრებმა განიხილეს საკითხი „ხაშურის მუნიციპალიტეტის 2015 წლის ბიუჯეტის დამტკიცების შესახებ“ მუნიციპალიტეტის საკრებულოს 2014 წლის 11 დეკემბრის №74 დადგენილებაში ცვლილებების შეტანის თაობაზე. ცვლილებები გამოწვეული იყო 11, 12 და 14 ნოემბერს ჩვენს მუნიციპალიტეტში მომხდარი სტიქიის შედეგების სალიკვიდაციო ღონისძიებებისათვის ცენტრალური ხელისუფლების მიერ გამოყოფილი თანხების ადგილობრივ ბიუჯეტში ასახვის გამო. სესიაზე დეპუტატებმა ერთხმად დაუჭირეს მხარი ცვლილებას. ამით მუნიციპალიტეტის საკრებულოს რიგგარეშე სესია დასრულდა.

ხაშურის მუნიციპალიტეტის საკრებულო განკარგულება №124

2015 წლის 26 ნოემბერი, ხაშური

„სტიქიის შედეგების სალიკვიდაციო ღონისძიებების განხორციელების თაობაზე“ საქართველოს მთავრობის 2015 წლის 24 ნოემბრის №2529 განკარგულების საფუძველზე, ხაშურის მუნიციპალიტეტის ტერიტორიაზე 2015 წლის 12, 13, 14 ნოემბერს მომხდარი სტიქიის შედეგების სალიკვიდაციო ღონისძიებების დამტკიცების თაობაზე

ხაშურის მუნიციპალიტეტის ტერიტორიაზე 2015 წლის 12-14 ნოემბერს მომხდარმა სტიქიურმა მოვლენებმა, ძლიერმა ქარმა და ხანგრძლივმა წვიმებმა მნიშვნელოვანი ზიანი მიაყენა ინფრასტრუქტურას და საცხოვრებელ სახლებს. სტიქიისაგან მიყენებული ზიანის აღმოსაფხვრელად, საქართველოს მთავრობის განკარგულების საფუძველზე, ხდება მრავალბინიანი საცხოვრებელი სახლების, ინდივიდუალური საცხოვრებელი სახლების სახურავების მოწყობის და ნაპირსამაგრი სამუშაოების განხორციელება. საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტის და „სტიქიის შედეგების სალიკვიდაციო ღონისძიებების განხორციელების თაობაზე“ საქართველოს მთავრობის 2015 წლის 24 ნოემბრის №2529 განკარგულების საფუძველზე ხაშურის მუნიციპალიტეტის საკრებულო ადგენს:

1. საქართველოს მთავრობის 2015 წლის 24 ნოემბრის №2529 განკარგულების შესაბამისად 2015 წლის 12, 13, 14 ნოემბერს ხაშურის მუნიციპალიტეტში სტიქიის შედეგების სალიკვიდაციო ღონისძიებების გასატარებლად გამოყოფილი სახსრებით განსახორციელებელი პროექტების ნუსხა განისაზღვროს დანართი №1 შესაბამისად (დანართი №1 თან ერთვის.);
2. განკარგულება აღსასრულებლად გაეგზავნოს ხაშურის მუნიციპალიტეტის გამგეობას;
3. განკარგულება ძალაში შედის ხაშურის მუნიციპალიტეტის საკრებულოს ვებ-გვერდზე www.khashuri.org.ge გამოქვეყნებისთანავე;
4. განკარგულება შეიძლება გასაჩივრდეს მისი გაცნობის დღიდან ერთი თვის განმავლობაში სარჩელის წარდგენის გზით ხაშურის რაიონულ სასამართლოში (მისამართი ხაშური, კოსტავას ქ. №15).

ხაშურის მუნიციპალიტეტის საკრებულოს თავმჯდომარე ვაჟა შუბითიძე

დანატი #1

#	ობიექტის დასახელება	ღირებულება
1	ქ.ხაშურში გურამიშვილის ქუჩაზე N4 ში მრავალბინიანი საცხოვრებელი სახლის სახურავის მოწყობა	96278
2	ქ.ხაშურში გურამიშვილის ქუჩაზე N4 საბავშვო ბაღის სახურავის მოწყობა	101170
3	ქ.ხაშურში ლესელიძის ქ. N10 მრავალბინიანი საცხოვრებელი სახლის სახურავის მოწყობა	137245
4	ქ.ხაშურში მინისტრის დასახლებაში N5 მრავალბინიანი საცხოვრებელი სახლის სახურავის მოწყობა	109208
5	ქ.ხაშურში გაგარინის ქუჩაზე N74 მრავალბინიანი საცხოვრებელი სახლის სახურავის მოწყობა	118955
6	ქ.ხაშურში ცხვირამიშვილის ქუჩაზე N11 მრავალბინიანი საცხოვრებელი სახლის სახურავის მოწყობა	46525
7	მდინარე სურამულას ნაპირსამაგრი სამუშაოები	77020
8	სტიქიით დაზარალებული ინდივიდუალური საცხოვრებელი სახლების სახურავების შეკეთებისათვის მასალებისა და ტექნიკური მომსახურების შესყიდვა	35624
9	სოფელ ახალშენში ეთერ ხარებაშვილის დაზიანებული საცხოვრებელი სახლის რეკონსტრუქცია-რეაბილიტაცია	20000
ჯამი: ლარი		742025

18 ნოემბერს, საგამოფენო ცენტრ „ექსპო ჯორჯიაში“ მოეწყო სოფლის მეურნეობის, კვების მრეწველობის, გადამამუშავებელი და შემფუთველი ტექნოლოგიების მე-15-ე საერთაშორისო გამოფენა, რომელიც არსებობის განმავლობაში ყველაზე მასშტაბური იყო. ის მოიცავდა სამ პავილიონს და გარე სივრცეს. გამოფენა მნიშვნელოვანი იყო იმ-

საერთაშორისო გამოფენა, ხომელმაც ჩვენს ფეხმეხებს ბუჯი ხამ მისცა

დენად, რამდენადაც სოფლის მეურნეობა და მასთან დაკავშირებული სექტორები დღეს საქართველოში ერთ-ერთი ყველაზე აქტიურია, როგორც ეკონომიკური, ასევე საზოგადოებრივი თვალსაზრისით და, ცხადია, ქვეყანას, რომელსაც აქვს დიდი პოტენციალი წარმატებას მიაღწიოს ამ დარგში, სჭირდება ინფორმაცია ახალი ტექნოლოგიების,



მრეწველობაში გამოსაყენებელი პროდუქტებისა და სოფლის მეურნეობასთან დაკავშირებული საკითხების შესახებ. სოფლის საგამოფენო სტენდებზე წარმოდგენილი კომპანიების რაოდენობა 140 იყო. ქართული კომპანიებთან ერთად გამოფენაზე წარმოდგენილი იყო შემდეგი ქვეყნები: ბელგია, გერმანია, ესპანეთი, თურქეთი, ისრაელი, იტალია, ლატვია, ლიტვა, პოლონეთი, რუსეთი, საფრანგეთი, სომხეთი, უკრაინა, ჩინეთი, კოლანდია და ქართული ბაზრისთვის აქამდე უცნობი კომპანიები, რომლებიც ეძებენ დისტრიბუტორებსა და წარმომადგენლობებს. გამოფენის ფარგლებში სტუმრებს საშუალება ჰქონდათ დაეთვალიერებინათ სოფლის მეურნეობისათვის საჭირო მანქანა-დანადგარები, საირიგაციო სისტემები, მანქანა-დანადგარები წისქვილებისათვის და თევზსაჭერი მეურნეობებისათვის, სეტყვისაგან დამცავი და სასათბურე ტექნოლოგიები, რძის პროდუქტების გადამამუშავებისათვის, ხორცის პროდუქტების წარმოებისა და საკონსერვო მრეწველობისათვის საჭირო ტექნიკა. კვებით პროდუქტების ნაირსახეობა იყო წარმოდგენილი გამოფენაზე. არაქარ-

თული პროდუქტიდან აღსანიშნავი იყო უკრაინის კოლექტიური ექსპოს საწარმოების მონაწილეობა, რომლებმაც სხვადასხვა პროდუქცია წარმოადგინეს გამოფენაზე. ესენი იყვნენ: ორგანული ყავის ეროვნული ბრენდის, შაქრის ორცხობილების, უკემრეილესი ძეხვების, საცხობი პროდუქტების მწარმოებელი კომპანიები. ქართული კომპანიებიდან მნიშვნელოვანი იყო „სანტე“ და „კულას“ ეკოლოგიურად სუფთა პროდუქციის მონაწილეობა. მრავლად იყო საქართველოში წარმომადგენელი ჯემების, მურაბების და ნატურალური წველების სახეობები, ყველის ფართო ასორტიმენტი. ვაშლის უნიკალური ჯიშები: აიდარედი, ბრამბორნი, ტოპაზი და სხვა. თაფლის მწარმოებელი კომპანიები: „გილე“, „მუხრანის ფუტკარი“, „ნანატრი“, „ზეკარი“, „აგროაპი“, „რ.კ. ართო“. ქართული ჩაიდან: „ჩაის სურნელი“ და „ბახვის ჩაი“. „ყავის სახლმა“, რომელიც ყავის ალტერგიკობების სპეციალიზირებული მალაზიათა ქსელია, მომხმარებელს შესთავაზა შევიცარიული კომპანიის „ბლასერცაფე“ ყავის ფართო ასორტიმენტი. გამოფენაზე ასევე მრავლად იყო წარმოდგენილი ნარჩევი ვაზის ჯიშების დვინოები.

მნიშვნელოვანი იყო გამოფენაზე სოფლის მეურნეობის სამინისტროს ხაშურის მუნიციპალიტეტის საინფორმაციო-საკონსულტაციო სამსახურის უფროსის ჯემალ გელაშვილის მოწვეული სტუმრის რანგში ყოფნა, სამსახურის ორგანიზებით, ფერმერებს და კოოპერატივებს შესაძლებლობა მიეცათ ენახათ სოფლის მეურნეობისათვის საჭირო მანქანა-დანადგარები და გაცნობოდნენ სხვადასხვა ინოვაციური ტექნოლოგიების საკუთარ მეურნეობაში დანერგვის გზებსაც.

ჯემალ გელაშვილი: ხაშური უკვე მესამე წელია მონაწილეობს გამოფენაში. წელსაც, შევარჩიეთ ისეთი ლიდერი ფერმერები, რომლებიც ამ გამოცდილებას და ნანახს გამოიყენებენ, საკუთარ მეურნეობაში და ასევე თანასოფლელებსაც გაუზიარებენ. ექსპოზიციაზე წარმოდგენილი სასოფლო-სამეურნეო ტექნიკა, გასარწყავების სისტემები აუცილებლობას წარმოადგენს ჩვენი დღევანდელი ფერმერების საქმიანობისათვის. კარგი იქნება, ფერმერების ხელით შრომა გამოირიცხოს და ეს ტექნიკა შესყიდულ იქნას, განსაკუთრებით მსხვილი ფერმერებისათვის. სხვათაშორის, დაინტერესება იყო ჩირის გადამამუშავებელი დანადგარის შექმნისა. ჩვენმა ფერმერებმა დაიწყეს ისეთი მრავალწლიანი ხილის გაშენება,

როგორც კურკოვანი და თესლოვანი კულტურები, რაც საჭიროა ჩირის დამზადებისათვის, ეს პოტენციალიც აქვს ჩვენს რაიონს, რომ შემდგომში წარმოებული პროდუქცია ადგილობრივ ბაზარზეც გავიტანოთ და საქსპორტოდაც. მომავალ წელს გვინდა გამოფენაზე ჩვენი ფერმერების მიერ წარმომადგენელი პროდუქციაც გავიტანოთ



სადემონსტრაციოდ და რეალიზაციაც მოვახდინოთ. აღსანიშნავია ის ფაქტიც, რომ გომში გყავს წარმატებული ფერმერი, ვასილ დვალი, რომელსაც 70-80 ჰექტარი მიწის ფართობი აქვს და რომელმაც ააშენა ბოსტნეულის საცავი და ფლობს მაცივარს, რითაც შესაძლებლობა ეძლევათ ადგილობრივ ფერმერებსა და კოოპერატივებს მოყვანილი პროდუქტი დროებით შეინახონ და შემდგომში უფრო მომგებიან ფასად გაყიდონ.

მსგავსი ღონისძიებებში მონაწილეობა მნიშვნელოვანია ჩვენი მუნიციპალიტეტისათვის, რადგან მოხდება მეტი ინფორმაციის მიღება და გაცვლა სხვადასხვა ქვეყნების წარმომადგენლებსა და ადგილობრივ მწარმოებლებთან, რაც ისევ და ისევ



სასიკეთოდ იმოქმედებს ჩვენი ქვეყნისა და მუნიციპალიტეტის სოფლის მეურნეობის განვითარებაზე.

თ. ახალყაყი

წითი დღე ალის ციხეზე

მუზეუმში ჯონი ქიტიაშვილმა ამბავი მოიტანა: ალის ციხეზე მიწა ჩაშვავებულა და ეკლესიის ნაგებობა გამორჩენილა, კედლებზე კი მხატვრობის კვალი აჩნია.

შევთანხმდით, მეორე დღეს, 24 აგვისტოს დილიდანვე დავდგომოდით ალის გზას. 9 საათისთვის გვი გელაშვილი მოვიდა ჩემთან, მუზეუმში, ავედით, მაყვალა ხანიძე მოუკებნეთ, ჯონი 64-ე პროფთექნიკუმში გველოდებოდა... და ექსპედიციაც შედგა. ნაბახტევში შევიარეთ, ივანე ნათლისმცემლის ეკლესია ვნახეთ. შემდეგ ღვთისმშობელზე ავედით. ეკლესია ვრცელ ტერიტორიას მოიცავს, რომელსაც, როგორც ჩანს, თავის დროზე გარშემო გალავანი უვლიდა. გალავნის ნაშთები კარგად ჩანს ჩრდილოეთის მხარეს, აქვე ეზოში შეიმჩნევა რაღაც ნაგებობების კვალი. გალავნის ნაშთები უფრო კარგად ჩანს სამხრეთის მხარეს, სადაც მაღალი კედლებია შემორჩენილი, აქვე ეზოს მხრიდან კი ასევე ნაგებობათა კვალი მოჩანს. ვფიქრობთ, ეს უნდა იყოს ვახუშტი ბატონიშვილისეული ნაბახტევის ნაციხვარი.

ღვთისმშობლის ეკლესიის შემოგარენი გაწმენდილი დაგვხვდა. ამ რამდენიმე წლის წინ სტუდენტებმა იმუშავეს მის გაწმენდაზე. გამოჩენილია სოკოლი, რომელზეც დგას ეკლესია. სამხრეთის ფასადზე მიშენებული კედლის ნანგრევებია, რომელიც სამხრეთისკენ გრძელდება. ასეთივე კედელი ჩანს სამრეკლოსთან, დასავლეთ მხარეს, ეკლესიის კედელთან.

ფრესკები, რომლებიც საკურთხეველშია შემორჩენილი, მძიმე მდგომარეობაშია, ჩამონაცვენი იქვე ყრია, საკურთხეველის იატაკზე. ფრესკები უფრო დაზიანებული მეჩვენა, ვიდრე ადრე მინახავს.

იქვე ეკლესიაში ვნახეთ ქვაში გამოსახული ვერძის თავის ფრაგმენტი. მისი ძირი ადრე მქონდა ნანახი ეკლესიის ეზოში. მუზეუმში წამოღებას ვაპირებდი, მაგრამ შემდეგ დაიკარგა...

აღში კაკო ყულიჯანაშვილი ვნახეთ, შემდეგ ამირან დავითაშვილს ვესტუმრეთ, რომელიც ოჯახით არის მცხეთიჯვარში. ქეთევან დავითაშვილიც - ამირანის ქალიშვილიც აქ არის. მათ უკვე დაუთვალიერებიათ ალის ციხეზე „გამოჩენილი“ ეკლესია. კომპიუტერშიც გვაჩვენეს. წლებია, მცხეთიჯვარში ალის ციხესთან ეწვევიან არქეოლოგიურ გათხრებს და ამ ახლადგამოჩენილმა ეკლესიამაც, ბუნებრივია, დააინტერესა.

ეკლესია ციხის ეზოში, მის აღმოსავლეთ ნაწილში მდებარეობს. იგი დედაციხის

(ციტადელის) სამხრეთის კედელზეა მიშენებული. ციტადელის კედელი ეკლესიის აღმოსავლეთის ფასადიდან, ჩრდილოეთის მხარეს გრძელდება. ეკლესია მიწით ყოფილა დაფარული. ამ ცოტა ხნის უკან გადახურვა ჩანგრეულა, მიწა ჩაშვავებულა და გამოჩენილა ნაგებობა, რომელიც ეკლესიად აღიქვს მნახველებმა, რაც



ს ა ვ ს ა დ ე ბ ი ა. ყველა ციხეს თავისი კარის ეკლესია აქონდა და ამ მხრივ არც ალის ციხე უნდა ყოფილიყო გამონაკლისი. იგი ნ ა გ ე ბ ი ა კ ლ დ ი ს ქ ვ ი თ, რ ი თ ა ც ც ი ხ ე ა სა ე რ ო დ ნ ა გ ე ბ ი. სწორკუთხა დარბაზული ტიპისაა. აღმოსავლეთის მხარე მიწითაა დაფარული და ამიტომ საკურთხეველი არ ჩანს. კედლები სქელია, მყარად ნაგები. გადახურვა ნახევარწრიულია.

კედლები შელესილია, მხატვრობის კვალი საერთოდ არ ჩანს. შესასვლელი სამხრეთის მხრიდან უნდა იყოს. ეკლესიის ზომებია 6,5X 5, სიმაღლე 3,5მ. დარბაზში ჩამონაშალი მიწა ჩაყრილი.

ეს ახლადგამოჩენილი ნაგებობა მიგვანიშნებს რომ, საკმაოდ დიდი სამუშაოებია ჩასატარებელი ციხის ეზოს გასაწმენდად. საერთოდ, ალის ციხე მთლიანად შესასწავლია, რაც მომავლის საქმეა. ეკლესია გვიანფოდალური ხანით უნდა დათარიღდეს. თამაზ ლაცხიძე.

ჰეი, ვინ მოდის მანდ მომავლიდან...

ხაშურში პირველი ახალგაზრდაული ფორუმი გაიმართა

ქვეყანაში დემოკრატიული ფასეულობების განვითარებაში დიდი როლი ახალგაზრდებს ეკისრებათ. შესაბამისად, ახალგაზრდები ჩვენი საზოგადოების მნიშვნელოვანი ნაწილია და მათი სამოქალაქო აქტიურ ცხოვრებაში ჩაბმვა, საკუთარი პოტენციალის რეალიზება დიდ სამსახურს უწევს ქვეყნის განვითარებას და ხელს უწყობს მის წინსვლასა და წარმატებას მსოფლიო არენაზე. ახალგაზრდების შესაბამისი რესურსების განვითარება ჯერ კიდევ სკოლის ასაკიდან უნდა დაიწყოს, შესაბამისად, ხაშურის მუნიციპალიტეტს აქვს იმის შესაძლებლობა, რომ მოსწავლეობიდან დაიწყო ახალგაზრდების ჩართვა სამოქალაქო აქტივობებში და ხელი შეუწყოს მათი პიროვნების ფსიქოლოგიურ ჩამოყალიბებას.

სწორედ ზემოთ აღნიშნული მიზნებით და უკვე არსებული ახალგაზრდაული ორგანიზაციების საქმიანობის წარმოჩენისთვის ჩატარდა ხაშურის პირველი ახალგაზრდაული ფორუმი, რომელიც 2015 წლის 22 ნოემბერს, გ. სააკაძის ქ. 94-ში გაიმართა. ფორუმი არასამთავრობო ორგანიზაცია „მეგობრობის ხიდი - ქართლოსის“, საქართველოს სპორტისა და ახალგაზრდობის საქმეთა სამინისტროს პროექტ „საქართველოს მოხალისე“-ს და არასამთავრობო ორგანიზაცია „ხაშურის ახალგაზრდაული თვითმმართველობის“ ორგანიზებით გაიმართა. ხაშურის ახალგაზრდაული ფორუმზე წარმოდგენილი იყვნენ ხაშურის ახალგაზრდაული თვითმმართველობის წარმომადგენლები: თინათინ მახათაძე და რობერტ ქონიშვილი, რომლებმაც ორგანიზაციის საქმიანობასა და მიზნებზე ისაუბრეს. დამსწრე საზოგადოებას გააცნეს ხაშურის მუნიციპალიტეტში მათ მიერ განხორციელებული პროექტები. თორნიკე ბოლოკაძემ წარადგინა სამოქალაქო ჩართულობის განვითარების ცენტრი „თანამონაწილე“ და სტუდენტური ინტერნეტ-პორტალი „Be Active“. მან ხაშურელ ახალგაზრდებს ამცნო იმ საერთაშორისო პროექტების შესახებ, რომელსაც მისი ორგანიზაცია ხაშურელ ახალგაზრდებს სთავაზობს, და დაინტერესების შემთხვევაში, მათთან თანამშრომლობის სურვილი გამოთქვა. წმიდა დიმიტრი ყოფიანის სკოლა-პანსიონის წარმომადგენლებმა: მარიამ რობაქიძემ და მარიამ ლეშკაშელმა წარადგინეს უკვე განხორციელებული პროექტის

„ფოტოგრაფია ძალადობის წინააღმდეგ“ შედეგები და ისაუბრეს ხაშურის ახალგაზრდაული საკრებულოს შესახებ. გ. ტაბიძის სახელობის მე-9 საჯარო სკოლის წარმომადგენელმა თამარ ზეკალაშვილმა ისაუბრა ორგანიზაცია „გლოუ“-ს შესახებ და დამსწრეთ გააცნო ორგანიზაციის საქმიანობა ხაშურის მუნიციპალიტეტში. ამავდროულად, თამარ ზეკალაშვილი ორგანიზაციის რეგიონალური ელჩია და შესაბამისად, მოსწავლეებს აცნობა, რომ ორგანიზაციასთან თანამშრომლობის სურვილის შემთხვევაში, მზადაა გაწიოს შუამდგომლობა. ახალგაზრდაული ფორუმის ერთ-ერთმა ორგანიზატორმა გიორგი ჩუბინიძემ სპორტისა და ახალგაზრდობის საქმეთა სამინისტროს პროექტ „საქართველოს მოხალისე“-ს შესახებ ისაუბრა (იგი გიორგი ბლიაძესთან ერთად ხაშურელი მოხალისეების კოორდინატორია) და წლის აქტივობები შეაჯამა. მან სტუმრებს გააცნო მოხალისეობის არსი და საქართველოს სახელ-

მწიფო ახალგაზრდაული პოლიტიკის განხორციელების აუცილებლობაზეც ისაუბრა. გიორგი ჩუბინიძემ ხაშურის მუნიციპალიტეტში, მოხალისეობაში შეტანილი წვლილისთვის შესაბამისი სიკვდილით დააჯილდოვა ხაშურის საგანმანათლებლო რესურსცენტრის უფროსი ზვიად გოგუაძე, ხაშურის პირველი საჯარო სკოლის დირექტორი მორის დანდურიშვილი, ხაშურის გ. ტაბიძის სახელობის მე-9 საჯარო სკოლის დირექტორი თამარ ხაღური, სამოქალაქო ჩართულობის განვითარების ცენტრ „თანამონაწილე“ ხელმძღვანელები დინა გელაშვილი და თორნიკე ბოლოკაძე, ხაშურის ამერიკის კუთხის ხელმძღვანელი ქეთევან მეტრეველი, წმიდა დიმიტრი ყოფიანის სახლ-მუზეუმის თანამშრომლები, რომლებმაც მუზეუმში ხელი შეუწყვეს ახალგაზრდაული მოს-



აღისეობრივი ღონისძიებების განხორციელებას, შესაბამისი სიკვდილი გადაეცა პროექტ „საქართველოს მოხალისეში“ მონაწილე ყველა ახალგაზრდას. ხაშურის პირველი ახალგაზრდაული ფორუმს ესწრებოდნენ ხაშურის მუნიციპალიტეტის საკრებულოს წევრები: მამუკა წიქარიშვილი და ლაშა მესხი. მამუკა წიქარიშვილიმა მადლობა გადაუხადა პროექტის ორგანიზატორებს, ახალგაზრდების სამოქალაქო ჩართულობაში შეტანილი წვლილისთვის და ყველა ახალგაზრდის თანადგომის მზადყოფნა გამოთქვა. ლაშა მესხმა ყურადღება გაამახვილა მის მიერ განხორციელებულ საკვირაო სკოლებზე ხაშურის მუნიციპალიტეტში და პროექტის მნიშვნელობაზეც ისაუბრა. ხაშურის პირველი ახალგაზრდაული ფორუმი არაფორმალური დისკუსიის რეჟიმით დასრულდა და ორგანიზატორებმა ფორუმის ყოველწლიურად ჩატარების პირობა დადეს.

---თურმანიძეთა მკურნალი შტო ხაშურში---

ქეთევან ახალკაცი: საგვარეულო მალამო ისე არ მზადდება, თუ თურმანიძის ხელი არ ურევია

თურმანიძეების გვარი ქართულ ცნობიერებაში უკვე მრავალი საუკუნეა ასოცირებულია განუმეორებელ მალამოსთან და სასწაულებრივ განკურნებასთან. ისტორიულ წყაროებში XI საუკუნიდან ჩნდება. თურმანიძეები საუკუნეების განმავლობაში სამედიცინო კარის მკურნალები იყვნენ, ფეხში დაჭრილი ალექსანდრე ჭავჭავაძე, თურმანიძეთა მალამო განკურნა, ხოლო იტალიის ეროვნულ-განმათავისუფლებელი მოძრაობის ბელადი ჯუზეპე გარიბალდი ფეხის ამპუტაციისგან იხსნა. ისტორიული დოკუმენტების გარდა, გვარის კეთილშობილური საქმიანობა მატერულ ლიტერატურაშიც აისახა. აკაკი წერეთელი თავის პოემაში „კიკელას ნაამბობი“, წერდა:

„იბერიელი ვარ ნამდვირი, იმერეთის ცაბადლეუი, გვარდაც თურმანიძე ვარ, ჯანიოზობით ცხოვრი, თვით უკვდავების ნყროში მოხედილი მაქვს მცადრო, მგვრამ ამ საილუმბროს დიდი სიფრთხილით ვმაცვრო, ანერედი საგვარეულო გვიხერს, რომ უნდაც დავეჯროთ და მოსწავლედაც სხვა გვარის ვერავინ ვერ დავიბაროთ.“

თურმანიძეების გვარის შტოს ის წარმომადგენლები, რომლებიც ამ სასწაულოქმედი მალამოს დამზადების ტრადიციას საიდუმლოდ ინახავენ, ათეულობით წლების წინ იმერეთიდან ხაშურში გადმოსულან საცხოვრებლად და აქ გაუგრძელებით თავიანთი მადლიანი საქმე. ტრადიციის გაგრძელებასაც თავისი ტრადიცია აქვს, თურმანიძეების მალამოს დამზადების ხელოვნება იმ რძალზე გადადის, რომელსაც ვაჟი ჰყავს და გვარის გამგრძელებლად ითვლება. მალამოს შექმნაზე, მის მკურნალ თვისებებზე, გვარის ისტორიულ მნიშვნელობაზე და სხვა საინტერესო ამბებზე სასაუბროდ, ხაშურელ თურმანიძეებს სახლში ვესტუმრეთ და ოჯახის რძალს, ქალბატონ ქეთევან ახალკაცი-თურმანიძეს ვესაუბრეთ:

როგორ მოხვდა თურმანიძეების გვარი ხაშურში?

—ჩემი მეუღლის წინაპრები წარმოშობით შორაპნის რაიონიდან, სოფელ საღვინიდან არიან. ჩვენთან სახლში ინახება რუსეთის მეფე ნიკოლოზ II-ის ბრძანება, რომელმაც თურმანიძეებს უბოძა ზინდის თავისი ყმებით, ამ დროს დამკვიდრდნენ ხაშურში. თურმანიძეები ძალიან ბევრი არიან საქართველოს სხვადასხვა კუთხეში, მაგრამ თურმანიძეების ეს შტო მკურნალი მალამოს შემქმნელი. მაქსიმეს ყავდა ორი ვაჟი, მალაქია და ლადო, რომლებიც წამოსულან და ხაშურში დასახლებულან. ხაშურში არის თურმანიძეების ქუჩა, სადაც მდებარეობს ჩვენი ოჯახის ძველი სახლი, ხაშურელი თურმანიძეების ფუძე, სადაც თურმანიძეების საგვარეულო ხატი 4 საუკუნისაა და ვინც ფუძეზე რჩება, იმასთან არის ხატი დაბრძანებული. ჩემი მამამთილი, ლადო

თურმანიძის შვილია და მისი ძმა, ის მალაქია თურმანიძეა, რომელმაც ჯუზეპე გარიბალდი ფეხის ამპუტაციისგან იხსნა. ჩემი მამამთილი, ირაკლი თურმანიძე, სპეციალობით ექიმი იყო, ხაშურში, სანეპიდსადაგურში მუშაობდა, სახლში იღებდა პაციენტებს და, პარალელურად, ამზადებდა მალამოებს. მალამოების დამზადების ტრადიცია შემკვიდრებული ბიჭებზე გადადის, ამას დიდი მნიშვნელობა აქვს, რომ არ დაიკარგოს და ოჯახში დარჩეს მალამოს შექმნის მრავალსაუკუნოვანი ტრადიცია.

თურმანიძეების რძილბა ავტომცურად ნიძნავს, რომ გამგრძელები ხარ მცადროს სამხედროების საგვარეულო ტრადიციის?

—საერთოდ, წესი ასეა, ასწავლიან იმ რძალს, რომელსაც ვაჟი ჰყავს. პროფესიით მათემატიკოსი ვარ, პარალელურად მედლის კურსებიც დაავითავრედი პლომი რომ ჩამოვიტანე, ჩემმა მამამთილმა, როგორც იქნა ველირსე გველი რომ ახატია, ისეთ დიპლომსო და 100 მანეთი მაჩუქა. ძალიან მაინტერესებს მედიცინა, ჩემი საქმიანობის პარალელურად ბევრი რამე ვისწავლე და თანამედრვე საშუალებები დაუშაბტეოჯახის ამ ტრადიციის გაგრძელება მაინც სურვილზეა დამოკიდებული.

მცადროს სამხედროების ტექნიკოლოგიაზე გვესაუბრეთ...

—ყველაფერი არის ეკოლოგიურად სუფთა, რაც ბუნებასთანაა კავშირში, ანტიალერგიულია, გამოიყენება ლაქტაციის პერიოდში და ორსულობის დროს. უებარია დამწვრობის დროს, გამონაყარის დროს, ბუასილისთვის, გარეგანი პრობლემებისთვის, ასაკობრივი გამონაყარის შემთხვევაში. ჩემი შვილი ავტოკატასტროფაში მოყვა, ძალიან დიდი ჭრილობები ჰქონდა, რეამინაციაში შევაგზავნეთ ჩვენი მალამო და ნაიარევი აღარც ეტყობა. მე, მაგალითად ძალიან ბევრი აღამიანი გადავარჩინე ფეხის ამპუტაციას, დაინვალიდებას, მქონდა ასეთი შემთხვევაც, პოლიციელს ნატყვიარი არ უხორცდებოდა, მთელი წელი ვვალობდა, ჩემთან მოვიდა ქალბატონი დასავლეთიდან, რომელმაც მითხრა, რომ ნახა სიხმარში, ხიდგადაღმა რომ თურმანიძეებია, იმათთან უნდა მიხვიდეო და ამ მალამომ



ირაკლი (ბიჭიკო) თურმანიძე

(გაგრძელება V გვერდზე)

საბჭოური წესწყობილების არსებობის პირველ ხანებში დიდი ყურადღება ექცეოდა მხარეთმცოდნეობის, როგორც ცოდნის დარგის განვითარებას. სამაგიეროდ იგნორირებული იყო ისტორიის სასკოლო სწავლება. ამ ნაკლოვანების აღმოფხვრას ისახავდა მიზნად 1930-იანი წლების შუა პერიოდში შესაბამისი უმაღლესი სახელისუფლებო ორგანოების მიერ მიღებული ღონისძიებანი. მოხდა ისე, რომ აქედან მოკიდებული ჩრდილში მოექცა მხარეთმცოდნეობა. სკოლის მოსწავლეებს გვასწავლიდნენ მსოფლიოს, საბჭოთა კავშირის (ფაქტობრივად რუსეთის) და საქართველოს ზოგად ისტორიას, მაგრამ არ გვასწავლიდნენ მშობლიური კუთხის - დაბის, ქალაქის და ა.შ. წარსულს. სიმართლე, რომ ითქვას, პედაგოგებს არ გააჩნდათ საამისო განათლება, რომ ეს სწავლებინათ (არაოფიციალურად).

მისასაღებელია, რომ განსაკუთრებით 1990-იანი წლების შემდგომ, მხარეთმცოდნეობა კვლავ აღორძინდა. შესაბამისად, გაჩნდა სათანადო ნაშრომები. კარგია, რომ ამ თვალსაზრისით საკმაოდ წარმატებულია მოპოვებული ხაშურის რაიონის მასშტაბით, რაშიც დიდი, კერძოდ, ადგილობრივი ისტორიკოსის თამაზ ლაცაბიძის დამსახურებაა.

ამჯერად შევხერხდებით დასახელებული პირის წიგნზე „ხაშურის რაიონის ისტორია ტოპონიმებში“, რომელიც 2010 წელს გამოქვეყნდა. გამოცემის ადგილი გახლავთ ხაშური, რის აღნიშვნაც ძალზედ სასიამოვნოა. უპირველესად, ყოველგვარი გაზვიადების გარეშე, უნდა ითქვას (ამ შემთხვევაში დაიწეროს), რომ სარეცენზიო ნაშრომი დიდი რუდუნების შედეგია. როგორც ავტორი მიუთითებს, იგი მთელი ათი წლის განმავლობაში იწერებოდა. ამაში დაეხმობა კი შეუძლებელია, ეცნობი რა შესაბამის საისტორიო წყაროებს, ლიტერატურას (ისტორიოგრაფიას), მათ შორის თვითონ ავტორის მიერ მანამდე გამოქვეყნებულ ნაშრომებს. ზემოაღნიშნულს უნდა დაემატოს ის გარემოებაც, რომ აშკარაა, ავტორს საკუთარი ფეხით აქვს დაეღლილი ხაშურის რაიონის სოფლები და ნასოფლარები (სულ 130 დასახელებსა). იგრძნობა დიდი სიყვარული მშობლიური ადგილებისადმი, რაც შესაბამისი საისტორიო ნაშრომის შექმნისას ერთ-ერთ აუცილებელ მომენტს წარმოადგენს.

გასათვალისწინებელია ისიც, რომ თამაზ ლაცაბიძის მიერ მომზადებულია ხაშურის რაიონის ტოპონიმური ლექსიკონი, რომელშიც 5000-მდე ტოპონიმი შესული (იხ. წიგნის მეხუთე გვერდი). ძალზე დასაინანი, რომ ეს კრებული დღემდე გამოუცემელია.

თუ რა გააკეთა კონკრეტულად ავტორმა აღნიშნულ წიგნში, ამის დაწვრილებითი ჩამონათვალი შორს წაგვიყვანდა. სამაგალითოდ გამოვიყოფთ მისეულ დაკვირვებას სოფელ სათივის სახელწოდებაზე. ამ შემთხვევაში თითქოს უნდა იგულისხმებოდეს უშუალოდ მოცემული შინაარსი, რაც ამ ტოპონიმში თითქოს თავისთავად იგულისხმება. მაგრამ უფრო სერიოზული ჩაფიქრებისას ამგვარი წარმოდგენა უსაფუძვლო ხდება. ნამდვილად საფუძვლიანი კი არის ავტორისეული თვალსაზრისი: „სოფლის სახელწოდება ტივიდან უნდა მომდინარეობდეს მას უწინ სატივე უნდა რქმეოდა. ეს ვარაუდი დასტურდება ხალხში გავრცელებული გადმოცემითაც. ბორჯომის ხეობისა და ხაშურის რაიონის მოსახლეობის ერთი ნაწილი ჩვენს დრომდე მეტივეობას მისდევდა და ამისთვის მდ. მტკვარი გამოიყენებოდა. როგორც ჩანს, დღევანდელ სათივესთან იკვრებოდა ტივეები და ადგილსაც სატივე შეერქვა. შემდგომ ხანებში სახელწოდებამ განიცადა ტრანსფორმაცია და სატივიდან მივიღეთ სათივე“ (გვ.87).

მტკვარზე სატივეები (ტივის შესაკარავი ადგილები) იყო ქვაბისხევთან, დვირთან, ჭობისხევთან, ლიკანთან, ყვიბისთან, რველთან, ზანავთან, და ა.შ. (იხ. გურამ გასიტაშვილი, „სატივეზე ტივი შევკარ“, თბ. 2004, გვ.9.) საერთოდ, ამ მიზნით, ირჩევდნენ მდინარის მდორე და წყნარი დინების ადგილებს.

სამწუხაროდ, ადგილობრივ (სათიველ) მცხოვრებთა შორის სათანადო საისტორიო მეხსიერება, ხსოვნა ძალზე სუსტია, უმეტეს შემთხვევაში იგი არ არსებობს, ასე რომ, ამჯერად, მთავარია მკვლევარის ადლო, ინტუიცია.

მართლაც, ილიასეული გაზეთ „ივერის“ 1888 წლის (თუ არ ვცდები) ერთ-ერთი ნომრის გაცნობა ამ მხრივ აღნიშნული მოსაზრებას აბსოლუტურად უჭყველს ხდის. გულუბრყვილო, ხალხური ეტიმოლოგიისაგან განსხვავებით სარეცენზიო წიგნში ვკითხულობთ: „ჩვენი აზრით, ოსიაურის თავდაპირველი სახელწოდება ოსიაურია (შესაძლებელია ოსეურიც). იგი ნაწარმოებია - ურ სუფიქსით, ძირია ოსია (ან-ოსეა), რაც ადამიანის სახელია. ამდენად, სახელწოდება -ოსიაური (ოსეური) ანთროპონიმური წარმოშობისა უნდა იყოს. ამ მოსაზრებას განამტკიცებს ის ფაქტიც, რომ ქართულ ანთროპონიმოლოგიაში დასტურდება ადამიანის სახელები - ოსია და ოსეა. ეს სახელები გვხვდება ძველ ქართულ დოკუმენტებშიც“ (გვ.80). თუმცა დავსძენთ, რომ ესენი ებრაული წარმოშობისა გახლავან.

ასევე დამაჯერებელია ავტორისეული დაკვირვებანი ტეზერის თაობაზე (გვ.106), ტოპონიმ ბედლეთ // ბედლითის არა შესაბამისი სამეურნეო დანიშნულების შენობებთან, არამედ შეშის ან ყავრის საპალნე გროვებზე დამზადება (გვ.32) (როგორც ვხედავთ, ავტორი იზიარებს ტოპონიმისტ გურამ ბედლოშვილის მოსაზრებას).

მაგრამ ამჯერად უფრო მეტად შენიშვნებზე გავამახვილებთ ყურადღებას, თუნდაც იმიტომ, რომ ფრიად უპრიანად გვეჩვენება წიგნის ხელმოწერა დაბეჭდვა, რისთვისაც მხგავსი შენიშვნების გათვალისწინება მას უთუოდ კარგად წაადგებოდა. კერძოდ, ხაშურის რაიონის მასშტაბითაც მშვენივრად ჩანს გამორჩენილი ქართველი ისტორიკოსის ნიკო ბერძენიშვილის მიერ შემწეული ისტორიულ-გეოგრაფიული კანონზომიერება, რომლის მიხედვითაც ცალკეული ცენტრების დაწინაურება განაპირობებელი იყო სათანადო ტექნიკურ-ეკონომიკური განვითარებით. თუ ერთ დროს დაწინაურდნენ, ქალაქად ჩამოყალიბდნენ სურამი და ალი, XIX საუკუნის 70-იანი წლების შემდეგ ცენტრად იქცა ხაშური, ნაწილობრივ (სარკინიგზო ტრანსპორტის მეოხებით), წამყვანი მდგომარეობა შეინარჩუნა სურამმა, შედარებით დაწინაურდა გომი.

ავტორი ცდილობს, კერძოდ, ტოპონიმების კვალდაკვალ თვალი გაადევნოს მიგრაციებს (იმერეთიდან და სამხრეთ საქართველოდან) რაიონის მასშტაბით. მაგრამ, ჩვენი მყარი შეხედულებით, უფრო შორს, საუკუნეთა სიღრმეში, შეიძლება წასვლა. იგი იზიარებს ტოპონიმისტ გიგი ხარნაულის თვალსაზრისს „დუმაცხოს“ ზანურ წარმომავლობაზე (ასევე ფიქრობდა დიდი ქართველი ისტორიკოსი ივანე ჯავახიშვილი). აქედან გამომდინარე, გურამ ბედლოშვილს შესაბამისი მიგრაცია მთიულეთიდან წარმოედგინა. გამოე-

რებულება „დამხმეულაში“ ძირის-ჩხერ ზანური წარმომავლობაც (იმავე მკვლევარის ვარაუდი). საერთოდ, შემწეულია, სახელდობრ შიდა ქართლში, ხაშურის რაიონის არეალში, კოლხური (ზანური) არქეოლოგიური კულტურის არსებობა. შესაბამისად, ვხედავთ აქ ზანური ენის (მეგრულისა და ჭანურის წინარეების) ნაკვალევსაც. (ამის შესახებ უფრო ვრცლად იხილეთ ჩვენი მონოგრაფია „ქართველთა ეთნოგენეზისის საკითხი“, თბილისი, 2014 წ.). დავუმატებდით ტოპონიმ „ზინდისის“ შესაბამის ახსნა-განმარტებასაც - ზინდი, შავი დაჭაობებული მიწა, ზინდიკარი - ადგილი სადაც ჭაობები იწყება (იხ. ალიო ქობალიას „მეგრული ლექსიკონი“, თბ. 2010, გვ.309); აგრეთვე - ბუღაური-სას (უხედნელი კურატი) (იქვე, გვ.70). შესაძლებელია „ლიხიცი ზანიზმი იყოს (ამ ენაშიც მაღალ შამხნარს ნიშნავს). ვფიქრობთ, რომ ტოპონიმი (იოკონიმი) ახარმა (გვ.16) უნდა დაზუსტებულ იქნეს „ახარმეთი“, რაც თავის მხრივ აზარეთიდან უნდა მოდიოდეს (აზავერი-„ხარი საკიდარი“) (საბა).

ბუღაურის ციხის სახელწოდების თაობაზე გვინდობა შემდეგი შეკითხვა. როგორ მოხდა, რომ ამ სოფლის ძველი სახელწოდება „ციხისძირი“ შეიცვალა „ბუღაურისციხით“ (მეცხრამეტე საუკუნეში). თუ უკანასკნელი სახის სახელწოდება XVI საუკუნეში მოხსენიებულ აზნაურ ბუნებისძევა ცნობილ გვარს უკავშირდება (გვ.39), მაშინ საკითხავია თუ მანამდე, მე-19 საუკუნემდე, სოფელი არ იწოდებოდა ამ გვარ-სახელის მიხედვით და იწოდა XIX საუკუნეში? ისე, გვინდობა კითხვა, თუ რატომაა ეს სოფელი „უძველესი დასახლებული ადგილი ხაშურის რაიონში“ (გვ.38).

წიგნში საუბარი მდ-ის სოფელ თხილნარაზე (გვ.57-58), მაგრამ სხვაგან, სადაც საქართველოს სსრ ადმინისტრაციულ - ტერიტორიული დაყოფაა გადმოცემული, ვხვდებით „დიდ თხილნარს“, „პატარა თხილნარს“, რაც აშკარად ზანიზმია (ზანური ენის კუთვნილება): თხინა-თხილი. სხვათა შორის წიგნის, მე-14 გვერდზე თანდართულ რაიონის რუკაზე სწორედ „პატარა თხილნარ“ ფიგურირებს.

ავტორის სწორი მოსაზრებით, „ტაშისკარი რაიონის ერთ-ერთი უძველესი სოფელი“ (გვ.102) და მისი თავდაპირველი მოხსენიება დაკავშირებულია ლეონტი მროველის „ცხოვრება ქართუელთა მეფეთა“-სთან (დაიწერა XI საუკუნეში). მაგრამ ამ სოფლის ხსენება რომ უკვე ფარნავაზის ხანას უკავშირდება? შესაბამისად, აქედან ვგებულობთ, რომ ოძრხის ერისთავის სამფლობელო გახლდათ ტაშისკრიდან არსიანამდე. მეორეგან ვკითხულობთ: „ხოლო ერთი დაადგინა სპასპეტად და მისცა ტფილისითგან და არავიდან ვიდრე ტაშისკრამდე და ფანგარამდე, რომელ არს შიდა ქართლი“ (იხ. „ქართლის ცხოვრება“, ტ.1, თბ. 1955, სიმონ ყაუხჩიშვილისეული გამოცემა გვ.24-25). და ბოლოს, ჯუანშერის საისტორიო თხზულებაში „ცხოვრება ვახტანგ გორგასლისა“ აღნიშნულია: „დაიპყრა მირდატ, ძემან ვახტანგისამან, ფარაფითგან და ტაშისკართგან ვიდრე ზღუამდე სპერისა და ერისთავობდა მუნ“ (იქვე, გვ.205).

სარეცენზიო ნაშრომში მოტანილია ამ ტოპონიმის (იოკონიმის) ეტიმოლოგიის ცდილობები. მაგრამ გვერდი აქვს ავლილი იმ გარემოებისათვის, რომ ძველად იგი მოიხსენიებოდა არა „ტაშისკარის“, არამედ „ტაშისკარის“ ფორმით, რაც ასახულია კიდევ აქ მდებარე ეკლესიის (ტაშურის წმინდა გიორგის) დღემდე შემორჩენილ სახელწოდებაში. ისმის კითხვა: ხომ არ აქვს ამას რაიმე კავშირი სოფ. ბუღაურისციხეში მდებარე ტაშორის წმინდა გიორგის სახელწოდების ეკლესიასთან?).

ამავე სოფელში არსებული, ეგრეთ წოდებული, ჩიკორის საყდარი (ავტორის თანახმად, იგი XVIII-XIX საუკუნეებს უკავშირდება) უწინ აქ მცხოვრებ აზნაურ ჩიკვაიძეების გვარ - სახელს უნდა უკავშირებოდეს (სხვათა შორის, ეს შენიშნული ჰქონდა დიმიტრი ყიფიანის უმცროს ვაჟს კოტეს). თითქოს ისე ჩანს, რომ დღევანდელი ტაშისკრის მცხოვრებნი „გადმოსულეები არიან დასავლეთ საქართველოდან, კერძოდ იმერეთიდან“ (გვ.105) მაგრამ მთლად ასე როდია საქმე: რიგი გვარებისა (ბიჭიკაშვილი, გერმანაშვილი, გომარელი, ლომსაძე, მჭედლოშვილი, პაპიაშვილი, ჩარაშვილი, ჯვარიძე) სხვა მხარეებს - ქართლს, სამცხეს, ჯავახეთს მიუთითებენ. აქვე შევნიშნავთ, რომ ტაშისკრის დაშორებულობა რაიონულ ცენტრ ხაშურიდან 10 კილომეტრი არის ნაჩვენები (გვ.102), თითქმის იქვე მდებარე სათივესთან დაკავშირებით კი ფიგურირებს 19 კმ. (გვ.87).

ნასოფლარ სარტყელასთან (მდებარეობდა ხალების ნასოფლო საკრებულოს ტერიტორიაზე) მიმართებით სარეცენზიო წიგნში ვკითხულობთ: „გავრცელებული თქმულების მიხედვით, ქართველთა ლაშქარი გიორგი სააკაძის სარდლობით აქ გარს შემორტყმია შემოსეულ ყირიმელ თათრებს. ქართველებს უძლევიათ მტერი. დამარცხებული თათრები სოფელ რბონასთან მისულან და მტკვარის მარჯვენა სანაპიროზე გადასულან... ამ ბრძოლის აღსანიშნავად სოფლისთვის (!) სარტყელა დაურქმევიათ (!) (გვ.10). რასაკვირველია, მსგავსი რამ ისტორიულ სინამდვილეს არ ასახავს და ეს ავტორსაც კარგად მოეხსენება. ამდენად, საჭირო იყო სათანადო კომენტარის გაკეთება. რაკი სიტყვამ მოიტანა, იგივეს ვიტყვით სოფელ წრომის სახელწოდებასთან დაკავშირებულ ხალხურ თქმულება - გადმოცემაზე (გვ.142). სოფელ ტიტივისწყაროს (მდებარეობს წაღვლის სათემო საკრებულოში) დასახელება ნაშრომში ასეა ახსნილი: „სს ორბელიანის მიხედვით, ტიტვა ნიშნავს „ფრიად დამარიღვას (!)“ „დატიტულ“, „უზომოდ დამარიღვებულს“ (გვ.108). მაგრამ ეს სახელწოდება ხომ უშუალოდ გვარ-სახელ ტიტივისძეს მიეძღვნება?

107-ე გვერდზე არის მცდელობა სოფელ ტეზერის ძირ-ტეზ-იდან გამოყვანისა, მაგრამ უწინ ხომ ამ სოფლის სახელწოდება „ტეპერი გახლდათ“. არაა მცდელობა ნასახლარ ლომისას დასახელების გასაზრიანებისა (გვ.68) (სხვათა შორის, ამ შემთხვევაშიც წმინდა გიორგის ეკლესიის არსებობასთან გვაქვს საქმე). იგივეს ვიტყვით ნიკორთის თაობაზე (გვ.76). (შესაბამისი ნასოფლარი მდებარეობს ალის საკრებულოში). ამჯერადაც ისევე, როგორც ნიკორწმინდასთან დაკავშირებით, წმინდა ნიკოლოზთან ხომ არ უნდა გვქონდეს საქმე? დასადგენია ისიც, თუ ვის სახელზე იქნა აგებული ეკლესია, რომელიც შემდეგში ყვავის საყდრის სახელით აღინიშნება (იქვე).

სარმანიშვილისკარზე თხრობისას (გვ 88-90) ყურადღება უნდა გამახვილდეს იმაზე, რომ აქ იგულისხმება სარმანიშვილის ხევი, კარი (დასახელების

ფრიად სახარებლო ნაშრომი

(დსხსხრული)

აზროთ), ასე, რომ იგი არ არის სინონიმი ტასისკარ //ტაშისკრისა. შეგახსენებთ, რომ ჩვენი დიდებული ისტორიკოსი და გეოგრაფიის ვახუშტი ბაგრატიონი სწორედ ტაშისკართან და არა სარმანიშვილისკართან დაკავშირებით, მიმართებით გვაუწყებს: „აქ მოვიწროებულსა შინა არს განსავალი კარი და კოშკი მას ზედა, ქართლიდამ ხეობასა (ბორჯომის -გ.ყ.) შინა სავალი. და ამის მიერ ეწოდა „ტაშისკარი (ესე არს ქვის კარი) (იხ ქართლის ცხოვრება ტ IV , 1973, გვ.380)

ტოპონიმი (იოკონიმი) „სურამი“ არ უნდა იყოს დაკავშირებული ანტიკურ საისტორიო წყაროებში ნახსენებ „სურიუმს“(გვ.97) (გამეორებულია პროფესორ ნოდარ ლომოურის მოსაზრება), მაგრამ ამის შესახებ სხვა დროს, სპეციალურ ნაშრომში მოგახსენებთ.

სწორი გახლავთ მკვლევრის თვალსაზრისი სოფელ სატივის სახელწოდების ტივთან, მეტივეობასთან დაკავშირებისა. რაკი სიტყვამ მოიტანა, კარგი იქნებოდა მითითებული ყოფილიყო გეოგრაფოს, პროფესორ შოთა ცხოვრებაში (შეგნიშნავთ, რომ წარმომავლობით იგი ხაშურთანაა დაკავშირებული) სათანადო, სპეციალური ხასიათის ნაშრომი.

ტოპონიმ (ოიკონიმ) ქაშვეთზე თხრობისას ვკითხულობთ: „სახელწოდება ნაწარმოებია -ეთ სუფიქსით, ფუძეა-„ქაშვ“, ხოლო-ი სახელობით ბრუნვის ნიშანია - ეთ სადაურობის სახელთა სუფიქსია“ (გვ.115), რომ მსგავსი სახელწოდების სახელია სვანეთშიც (მესტიის რაიონში), მაგრამ ტოპონიმი (იოკონიმი) ქაშვეთი ხომ მთლად გამჭვირვალეა და იგი თბილისში მდებარე ეკლესიასთან სიახლოვეს უნდა მიგვანიშნებდეს. უპირაწია, დავსძინოთ, რომ აღნიშნულ სოფელში არსებული ეკლესია თბილისის დარად, წმინდა გიორგის სახელს ატარებს.

ხაშურმა ქალაქის სტატუსი მიიღო არა 1917 წელს (გვ.148), არამედ 1921 წელს.

ყოფილ სოფელ შინდარაში (ამჟამად იგი ქალაქ ხაშურის ფარგლებშია) არსებული წმინდა გიორგის ეკლესიის თაობაზე ვკითხულობთ, რომ მას ბერძნების ეკლესიასაც ეძახდნენ (გვ.126). კარგი იქნებოდა,

ავტორი შეცდილიყო, აუხსნა ეს საკითხი.

„წეროვანსა“ და „წერონისში“ ძირი გახლავთ არა - წერ, არამედ წერო („ფრინველის სახელწოდება“) (გვ.143). (მაგრამ ეს შენიშვნა უპირველესად ეხება ენათმეცნიერ გურამ ბედოშვილს).

სარეცენზიო ნაშრომის მიმართ გვაქვს შედარებით უმნიშვნელო ხასიათის შენიშვნებიც.

ენობრივად კარგად გამართულ წიგნში ყურს ეხამუშება სიტყვა „ხელთქონება“ (გვ.38). იგი ივეს ვიტყვით მოსე ჯანაშიელთან ში „პროფესორის“ ხმარებაზე (გვ.103).

ხანდაკი არ არის სპარსულიდან მომდინარე სიტყვა (გვ.24), არამედ- არაბიზმი, ყარაღაჯი კი- თურქიზმი და არა სპარსიზმი (იქვე). ყარაღაჯი კი ქართულია (იქვე). ალთან, ულუმბასთან და ხაშურთან კავშირში რატომ უნდა გამოიყენებოდეს ტერმინი რეგიონი (გვ.5)? ბუნდოვანია „არაგვისპირის“ რაობა (გვ.29). 96-ე გვერდზე ჩამოთვლილ ქართულ ტოპონიმთა შორის „ბეთლემის“ მოხსენიება უადგილო გახლავთ, რამეთუ იგი ბიბლიური (ებრაული) წარმოშობისაა, არაზუსტი ფორმით არის ნახსენები ჰიდრონიმი „შავი წყალი“ შავწყალას ნაცვლად (გვ.39), თანაც იგი ბორჯომულას ერთ-ერთი შენაკადი კი არ არის (იქვე), არამედ-მისი ძველი სახელწოდება. უხერხულია, გამოიყენებოდეს „მოსახლე სოფელი“ დასახელებულ სოფლის ნაცვლად.

გამოყენებული ლიტერატურის სიაში რატომღაც ვერ ვხვდებით ქვიშეთელი მხარეთმცოდნეების კლიმენტი სუთიაშვილისა და გივი გულაშვილის 2009 წელს დაბეჭდილ ნაშრომს ქვიშეთის შესახებ. ასევე ჩამონათვალში პლატონ იოსელიანის წიგნი ძველქართულ ქალაქებზე და გიორგი ჩუბინაშვილის ნაშრომი წრომის ტაძარზე ქართულად არის ნახსენები (რუსულის ნაცვლად).

ყველა ზემოაღნიშნული შენიშვნა, ცხადია, ვერ ცვლის ჩემეულ იმ მყარ წარმოდგენას, რომ ამაგდარი მკვლევარის განხილული წიგნი, დაწერილი ნამდვილად პროფესიონალურ დონეზე, მეტად სასარგებლოა. საკუთრივ ტოპონიმის (მიკრო-ტოპონიმების) გარდა იგი ფართო შინაარსს შეიცავს. ამდენად, იგი სერიოზული სტიმული უნდა გახდეს სხვათაგან მიზაძვისათვის. გამოვთქვამთ სურვილს, რომ თამაზ ლაცაბიძის წიგნი „ხაშურის რაიონის ისტორია ტოპონიმებში“ ხელმეორედაც დაისტამბოს. გურამ ყორანაშვილი - პროფესორი.

ფრიალ ნაშრომი სახსრებლო

(დასასრული)

გადაარჩინა, მერე თვითონ მოვიდა ეს პოლიციელი მადლობის სათქმელად. ძალიან ბევრი ადამიანი მოდის, რომლებსაც არ უხორცდებთ ჭრილობები ან ნაკერები.

სხვა რა ეფუძე აქვს მადამოს?

-კარგი საშუალებაა ჭრილობების, ჩირქოვანი გამონაყარის, გამაგრებული ნანემსრის, ძირმაგარების, დამწვრობის სხვადასხვა ფორმების, ბუასილის სამკურნალოდ.

უკუჩვენებები თუ ახსნათებს?

-უკუჩვენებები თითქმის არ ახსნათებს, მეტსაც გეტყვით, მე მყავს პაციენტი ქალბატონი, რომელსაც მასტოპატია ჰქონდა და უკვე მეშვიდე წელია ჯანმთელი აგრძელებს ცხოვრებას და პერიოდულად მიაქვს მალამო პროფილაქტიკისთვის.

კოსმეტიკური დანიშნულებით თუ შეგვიძლია მადამოს მოხმარება?

-მე არასდროს გამოიყენებია ჩემთვის, თუმცა ერთმა მომხმარებელმა მითხრა, რომ ძალიან კარგი ეფექტი აქვს და აკნების და გამონაყარის წინააღმდეგ უებარი საშუალებაა



ჩვენ პაციენტს ინდივიდუალურად ვურჩევთ მისი ავადობის შესაბამის მალამოს, ვაფასებ დაავადების ხარისხს, წამლების შერევის კონცენტრაციაც შესაბამ-

ქეთევან ახალკაცი: საგვარეულო მალამო ისე ეღობება, თუ თურმანიძის ხელი არ ურევია

ისად განისაზღვრება მალამოში. დანამატებია სხვადასხვა. ამას წინ, მალამო მთხოვეს ბავშვისთვის, არ მივეცი, სანამ არ ენახე დამწვრობის ხარისხი. ძალიან ბევრი ამზადებს დამწვრობის მალამოს, სადაც ურევენ პენიცილინს, თუ ადამიანს ალერგიული რეაქციები აქვს, მისთვის არ შეიძლება მსგავსი ტიპის ანტიბიოტიკის მიღება. ალზე დამწვარს- ხვანაირად ვმკურნალობთ. წყლით და ცეცხლზე დამწვარს სხვანაირად. აუცილებელია ხმარების წესების ზუსტად დაცვა.

როგორ გიკავშირდებიან მადამოს შესახებ და რამდენად ხელმისაწვდომია მოსახლეობისათვის მისი შექმნა?

-ძირითადად, ერთმანეთს უზიარებენ კმაყოფილებას მომხმარებლები და აძლევენ კოორდინატებს, ზოგი ტელეფონის საშუალებით მიკავშირდება. საკმაოდ ხელმისაწვდომია ყველა კატეგორიის ადამიანისათვის. დამოკიდებულია კურსის ხანგრძლივობაზეც. გვიკავშირდებიან ხოლმე სხვა ქვეყნებიდან და გააძლევენ შეკვეთებს, რუსეთიდანაც გვქონდა საკმაოდ დიდი შეკვეთა, ფეხს აჭრიდნენ პაციენტს, მალამოს გამოყენების შემდეგ, მას ფეხი შეუნარჩუნდა. ვესაუბრე ქირურგს, რომელმაც მთხოვა მესწავლებინა მალამოს დამზადების ტექნოლოგია, ხუმრობით ვუპასუხე, რომ ეს გვარის საიდუმლოა, რომელსაც შეიღებდაც არ ვასწავლით-თქო. ძალიან ხშირად ვაგზავნით საბერძნეთში, თურქეთში, საფრანგეთში, ესპანეთში და ისრაელშიც, რათქმაუნდა, ფასები განსხვავებულია.

თქვენ მეუღლეს ორი ძმა ჰყავს, ისინიც ამზადებენ მადამოს?

-ჩემი მეუღლის ძმებიც ამზადებენ მალამოს. პირადი გამოცდილებიდან შევეცვალეთ შემადგენლობა, ჩვენი ხელწერა შევიტანეთ და შედეგიც შესაბამისი გვაქვს. თუმცა, რეცეპტი, რომელიც მამათილისგან დაგვრჩა, თითქმის იდენტურია, სხვაობა დამზადების ტექნოლოგია და მასალის ხარისხშია. მე ვთვლი, რომ თურმანიძეების მალამო ყველა ოჯახში უნდა იყოს.

თქვენ მვიღებს თუ აქვთ ცრადიციის გავრცელების სურვილი?

-სამი გოგო და ერთი ბიჭი მყავს, რომლებსაც თავისი ოჯახები და საქმე აქვთ, არც ერთმა არ აირჩია ექიმის პროფესია, ჯერ ჩვენ ვართ ამ საქმით დაკავებული, თუმცა არ ვაპირებთ ამ ტრადიციის დაკარგვას, რომელსაც მომავალში ჩვენი შვილი გააგრძელებს.

თ. ჯავახიშვილი

საჯარო მოხელეებს საჯარო სამსახურის შესახებ განსახორციელებელ ცვლილებებს აცნობენ

24 ნოემბერს, ხაშურის მუნიციპალიტეტის წარმომადგენლებისთვის სამუშაო შეხვედრა ჩაატარა „კონსულტაციებისა და ტრენინგების ცენტრის“ ტრენერ-კონსულტანტმა ნათია ზედგინიძემ. შეხვედრის მიზანი „საჯარო სამსახურის შესახებ კანონში“ 2017 წლისათვის დაგეგმილი ცვლილებების გაცნობა იყო. აღნიშნული კანონპროექტის მიხედვით, საჯარო სამსახურში საჯარო მოხელეთა მუშაობის შეფასების სისტემა დაინერგება. შეხვედრა გ. ხუხუნაიშვილის სახელობის ეფექტიანი მმართველობის სისტემის და ტერიტორიული მოწყობის რეფორმის ცენტრის ინიცირებით გაიმართა.



შეხვედრის საყვარელი მწერლისად

20 ნემბერს, ხაშურს, IX საჯარო სკოლის დირექტორის, მამუკა ხაჩიძის მოწვევით, თანამედროვეობის ერთ-ერთი თვითმყოფადი მწერალი, დათო ტურაშვილი ესტუმრა. შეხვედრა საკმაოდ პროდუქტიული აღმოჩნდა. მწერალმა ისაუბრა საკუთარ წიგნებზე და მოსწავლეებსაც მიეცათ შესაძლებლობა კითხვებზე საყვარელი ავტორისაგან პირადად მიეღოთ პასუხები. IX საჯარო სკოლის მოსწავლეების გარდა შეხვედრას ესწრებოდნენ III და VI საჯარო სკოლის მოსწავლეებიც. დასასრულს, დათო ტურაშვილმა საკუთარი წიგნები გადასცა ბავშვებს, სამასსოფრო ფოტოებიც გადაიღო და მადლობა გადაუხადა ასეთი გულთბილი შეხვედრისათვის.



ბატონ მამუკას თქმით, სკოლა აპირებს ასეთი ტენდენციის დანერგვას, რომ ყოველ შემთხვევაში მოიწვიოს ცნობილი ადამიანები, რომლებთანაც შეხვედრა ძალიან საინტერესო იქნება ჩვენი მოსწავლე-ახალგაზრდებისათვის. შემდგომში ასეთი შეხვედრები საშუალებას მისცემს ჩვენ მოსწავლეებს გაეცნონ ისეთი ადამიანების გამოცდილებას და მსოფლხედვას, როგორც დათო ტურაშვილია. ქალაქის კულტურულ ცხოვრებასაც განსაკუთრებულ ელფერს შეხებენ და, რაც მთავარია, წიგნისაკენ შემოაბრუნებს ახალგაზრდებს. ნინო საბანაძე, IX საჯარო სკოლის მოსწავლე: დათო ტურაშვილი ჩემი საყვარელი ქართველი მწერალია. ძალიან გამიხარდა, როცა გავიგე, რომ სწორედ ის უნდა გვესტუმროდა და განსაკუთრებულადაც მოვემზადე. კითხვაც დავესვი საყვარელ ავტორს. ნამდვილად კმაყოფილი ვარ ამ შეხვედრით, რადგანც მოლოდინი ნამდვილად გამიმართლა, დათო ტურაშვილი პიროვნებაც არაჩვეულებრივი აღმოჩნდა, როგორც მწერალი.

ხაშური საციტო სანახაობა მგახსნის

25 ნოემბერს, ხაშურის მუნიციპალიტეტის გამგეობამ, განათლების, კულტურის და სპორტის სამსახურის ინიციატივით, კონფლიქტისპირა, წაღვლის ტერიტორიულ ორგანოში მცხოვრები ბავშვები საცირკო წარმოდგენას დაასწრო. პატარების ოჯახების თანხლებით მიმდინარეობდა საოცარი ნომრები. ერთმანეთს ენაცვლებოდნენ აკრობატები, ჟონგლიორები, კლოუნი. ბავშვებისა და



მათი მშობლების წინაშე თავს იწონებდნენ მოთვინიერებული ცხოველები. აქვე შეგახსენებთ, რომ გამგეობის მხარდაჭერით, საცირკო წარმოდგენები კვლავ გრძელდება და ელოდება პატარა მაყურებლებს.

„ბანის“ დაუვიწყარი კონცერტი

24 ნოემბერს, მუნიციპალიტეტის მოწვევით, ხაშურის საქალაქო კულტურის ცენტრში, ჯგუფ „ბანის“ კონცერტი გაიმართა, სადაც ჯგუფის ყველაზე ცნობილი და პოპულარული სიმღერები შეასრულეს. ჯგუფის გამოსვლებს თან მაყურებელთა ოვაცია და ტაში ერთვოდა. სცენაზე, ექსპრომტად, ახალგაზრდა მოცეკვავე გოგო-ბიჭებიც იწონებდნენ თავს ქართული ტრადიციული ცეკვით. დასწრება თავისუფალი იყო.



მათე ფირცხალავა, ჯგუფის სოლისტი: ხაშურს პირველად ვესტუმრეთ. დიდი მადლობა გვინდა გადავუხადოთ მუნიციპალიტეტის გამგებებს ვინაიდან გურასპაშვილს და კულტურის განყოფილების უფროსს კოტე ფრუიძეს ჩვენი მოწვევისთვის, რადგანაც საშუალება მოგვეცა ჩვენი შემოქმედება პირადად გაგვეზიარებინა ხაშურის მოსახლეობისათვის.

ბასტი-ბუბუს საჩუქარი ხაშურელ ბავშვებს

ხაშურის მუნიციპალიტეტმა ხაშურელ პატარებს შესანიშნავი საჩუქარი გაუკეთა - საქალაქო კულტურის სახლში (ყოფილი რკინიგზელთა კლუბი) ბასტი-ბუბუს შოუ გაიმართა. პატარებს სტუმრად ეწვივნენ ბაბილინა, ბასტი და ბუბუ, ასევე ბასტი-ბუბუს სტუდიის ბავშვები. კონცერტზე შესრულდა პატარებისთვის კარგად ნაცნობი და საყვარელი მელოდიები. როგორც ბასტი-ბუბუს სტუდიის დირექტორმა თამუნა ასვლედიანმა განაცხადა, მათ ეს მელოდიები სპეციალურად შეარჩიეს, რათა მაყურებელს თავადაც შესძლებოდა კონცერტზე მონაწილეებთან ერთად ემღერა. მან მადლობა გადაუხადა ხაშურის მუნიციპალიტეტს კონცერტის მხარდაჭერისთვის და აღნიშნა რომ მომავალშიც სიახლოვეთით თანამშრომლებს ხაშურთან ადგილობრივი პატარების გასახარად.



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe 2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტიფიკაციო კოდი 443860984, ბანკის კოდი LBRTGE22, ანგარიში GE80LB0115114434590001. მ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.

D



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე,
მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe 2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტი-
ფიკაციო კოდი 443860984, ბანკის კოდი LBRTGE22, ანგარიში GE80LB0115114434590001.

შ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.